



新鐫海內奇觀卷八

錢唐

臥遊道人


楊爾曾



匡廬圖說

山海經云廬江出三天子鄣入江彭澤西蓋謂廬山也或又云
殷周際有匡續先生者隱居此山仙去唯廬存人因以命其山
爲匡廬匡廬無主山以高下各自雄長大漢陽最高五老次之
登漢陽四望則知此山拔地無倚自高梁迤邐而來東南北三
里據江湖之會其西則大陸群山所奔湊也南望鄱湖烟水蒼
茫輕鷗片片落星一點明鏡之翳也北望九江盡乎滄浦風帆
上下千里瞬息順流而東則石鐘大小孤山之所錯而踞也傳

匡廬山圖



稱北山詠真之天周迴千七百里或未必然

自南康行十里則開先寺寺倚鶴鳴峰下南唐李中主幼慕物
外問合茲山後賜名開先寺故寺後有讀書臺臺後石壁鐫黃
太史七佛偈陽明先生紀宸濠事王敬美書寶墨亭亭下雲錦
樓面錦屏山而峙上有瀑布倒挂石梁掣曳上下澹然天碧若
機絲未緯縷縷璀璨下有洗墨池右紫氛閣西南兩石笋廉利
插天爲雙劍峰如蛟龍出水芙蓉插天精光射目雙劍之南一
員阜矗立爲香爐峰每過雨返照紫烟縷縷從香爐出若有意
點綴然者鶴鳴之右水奔灑成千百縷而短曰馬尾水雙劍之
左懸挂千百丈如匹練而長曰瀑布泉二流合山峽石扇有言



中爲青玉峽出峽練飛而紺漚爲龍潭前有小石坎爲浴仙池
從潭引水過石溜鑿爲泓曰龍井上有漱玉亭今廢立小石塔
當之而亭其南崖石欄倚碧飛沫時上人衣袂最勝也李白云
銀河倒挂三石梁今無矣寺北爲處雲峰下爲萬杉寺惟餘龍
虎慶嵐四字在邃壑一杉不復存東北廿里五老峰一山而四
環之枕溪石竇處爲白鹿洞唐李渤馴白鹿讀書其中昇元中
建廬山國學晦翁爲請書賜額拓而大之與嵩陽石鼓嶽麓金
禮聖殿居中左右列書屋百楹以廩餼諸來學者石鐫風雲鈞
臺枕流漱石字晦翁手跡居多洞前水自凌雲來泮泮下石峽
東爲洗心橋上有獨對亭又亭獨對之上爲聞泉重山若抱古

松千樹丙夜天籟叫號如波濤起松間拉水聲度嶺去回山亭
爲高美高美西下爲大意又濯纓橋西有釣臺石稍北亭爲朋
來朋來一亭則躬在山之巔登亭眺五峰巉削橫列天表時有
白雲衣之真如五老人軒然連袂倚立下窺重湖李青蓮愛其
勝卜築焉五老南下有獅子峰東北有九疊屏屏下有二疊水
轉西南二十里爲棲賢橋三峽澗出焉兩崖峭壁水墮下百仞
聲撼山谷十里爲楞伽院又十里爲大石亭小石亭含鄱口則
大漢陽峰峰比諸山爲最高一路陡絕崎嶇無着趾處下嶺而
北路稍夷大石千百闌臥如群羊十里爲擲筆庵五里天池寺
寺前一池世稱帝釋天尊手植也西有聚仙亭以祀周顛天眼
赤脚徐道人又西片石危立瞰無底谷一老松偃蓋臥前爲文
殊臺漏下月明有火光自空來一化爲百如亂螢落臺前是爲
佛燈臺前有白石霽後日射之五色隱起是爲佛光石上有石
浮屠是爲佛舍利塔塔南下有捨身崖崖有獅子岩岩下爲錦
澗隔澗爲鐵船峰東北里許石阜卓立爲白鹿昇仙臺上有
高皇帝傳周顛碑又東北數百武石竅成洞洞上石縫參差如
指爲佛手岩岩北蒼崖巉巖嶮下臨不測一徑縈紆廣不盈咫望
之畫圖然路窮處爲訪仙亭亭下二石突起爲鐘鼓山後隸竹
林寺二字寺隱名存風雨中時有鐘梵聲周巔蓋于此示幻云
又數里爲大林寺寺有兩寶樹昔西域僧自其土攜種之鳥雀

不栖其一爲兩龍挾風雷拔去今尚臥路側披霞亭甘露亭下
爲竹林後門自攝雲亭錦繡亭鳥道百盤始抵山麓復二十里
則東林寺晉遠公所開山也山門外水爲虎溪有三笑亭其墻
猶鬼壘故址也門內左右爲康樂所鑿蓮池其右尚存遠造寺
時木自池中溢出爲神運殿池今故在殿下遠公影堂後爲水
壺泉十八賢像錦澗橋東有三壘泉九壘雲屏西有淵明醉石
栗里柴桑康王谷陸羽泉白雲峰紫霄峰北有太平宮五乳峰
太乙峰蓮華峰中有遷鶯谷青牛谷皆奇偉絕特礪硯詭怪山
中氣候五月披裘三月桃始華大都比城市後一月其烟雲雨
霧屑可觸石一日無慮數十變真瓌奇之至也

黃鶴樓岳陽樓赤壁磯圖說


黃鶴樓在武昌府鸚鵡汀浮其上漢水自西來數千里注其下
雕欄畫棟阿閣翬飛祠立十二楹拓架作菱花狀山脚鑄天下
奇觀四字每字方圍約數八坐對晴川丹青在目視滕王爲過
之巴陵縣有城陵磯有洞庭湖有岳陽樓君山島城陵爲江湖
交處風檣千樹烟火萬家岳之巨鎮也夏漲則江濁而湖高以
清秋落則江清而湖低以淘湖盤三郡溯澹晶漾齊早潦而視
彭蠡爲深登岳陽樓望之浮白天際杳不見四山有無日月若
晨昏出沒其中者時而長風鼓浪可高于屋風平浪恬則君山
浮黛如螺髻然故三樓望遠又以岳陽爲甲觀樓前水中產麥



飯石質鬆而色如銀可療諸毒山上祠湘君夫人傍有酒香亭
卿毅井其三十六灣則湘流之曲也黃州府黃岡縣有赤壁磯
亦名赤鼻磯乃蘇子瞻所賦非孫曹戰處也三面臨水平沙淺
渚蘋蓼參差鷗鷺飛浴晴日遊之為佳

詠瀟湘八景

瀟湘夜雨




夜響起
 燠竹浩
 二楚
 雲白曉
 來看沙
 嘴新
 水添一
 尺



江天暮雪

長江浪滾雪烟黑
 花爭飛可恠橫流
 者孤舟一笠歸



山寺晚鐘


美人杳何處
盈一
隔秋冰
遙一
雲外
鐘日落
暮山紫

洞庭秋
月



天水本自空
 圓月况
 烁映晶
 起霜色于
 里一懸鏡

遠浦歸
 帆



內音有
卷八
十一
身白

秋風五兩席點，聚復

散不任小，鳥飛，連

江雁


平沙落雁



海內奇觀
卷八
十一
身白

西風萬里
 一葉
 洞庭秋
 君以生
 沙軟滿
 浦金紅
 綠

山寺晴嵐



華晴迨夜嵐晨炊翠

猶濕但聞山鳥鳴不見

鳥火入



漁村夕照

海內奇觀

卷

長白堂

西陽下洞通網集清
潭上一丈黃金鱗可
見不可網

蛾眉山圖說

自眉州十五里過蘇稽鎮爲彭山縣西行五里爲聖積寺左重
廊翼然爲老寶樓署魏鶴山峩山真境四字則登峩第一山門
也又有龍神堂涼風橋數里爲解脫坡高山大岷深林巨澗度
溪橋爲華嚴禪寺寺北爲青竹橋梯木坪上五十三步一平臺
可坐數人覆以翠竹爲歌鳳臺云接輿隱處前有一石遠伏山
口如舡艫爲晉賢船又前片石踞立路側爲大峩石後有石金
峙下深成井水自石井灑灑出爲玉液泉石鐫陳圖南福壽二
字西數里爲呼應臺則茂真尊者與孫真人精舍也北數里倚
白雲峰爲中峰寺上大坂凡三望乃至三望坡下坡抵壑雙溪

嶠嶠山圖



此誤蓋牛心石
雙飛橋皆在
牛心寺之下上
九老洞之在上
者相去數十里
余親至其地且
有峩山圖說
不考其矣書
之不足也
戊寅閏七月
仁園識

合流障以石山如葫蘆出物楹其背為牛心寺寺後綠陰簇抱
蔽虧天日景幽絕不類人間右過十二峰為九老仙人洞寺左
右為雙飛橋橋流合處怪石礫砢怒瀑出其間一石懸峙為牛
心石兩石崖夾飛濤而去乃峩山最佳處再歷危磴為白龍洞
洞兩翼樹楠千本空翠欲滴上四會亭為白水寺有宋興國鑄
晉賢騎白象相傍有二千鉄佛廊廡鱗集此皆山之北麓從寺
後南上一千步為頂心坡頂心者足行與心相着也又一千五
百步為息心所左右俱瞰空壁有大小深坑坑窮無磴道板緣
嶮巖而上五里許為長老坪偏山左行為鶯店下深谷如井為
九嶺岡既下又起為蛇倒退入下至谷乃上仰孫梯路絕則倚



木棧懸接之十里餘至一坪為初歡喜亦稱錯歡喜也千年大
木臥路側古苔茸挂又升高餘八里為木皮店以此地十日九
霜雪陶瓦龜拆覆屋皆以木皮故名再下石壁橫亘數十丈為
梅子坡坡長與木皮等至高處稍平為白雲殿殿陡崖萬丈緣
崖為雷洞坪崖石臥路盡青碧膩理玲瓏如琢與古楂老樹相
盤錯虬龍虎豹兩欲鬪巧崖斷處下窺無際杳然深黑世傳雷
神居之聞人語聲則風雨暴至舊樹一禁語鐵牌下有十二丈
洞穴人不得至也過雷神洞而上長十數里險視猢猻梯過之
為八十四盤盤盡則一石穿雲而立為觀音岩岩前樹抱石而
生藤蘿髮髮為曾賢線岩傍巨石如門又數折為莎蘿坪為大

海內奇觀 卷八
歡喜過歡喜亭無復崎嶇南爲通天堂又南爲老僧樹樹兩岐
直立枯而空中一游僧來定焉復榮抱爲一右折二石矗天開
一罅爲天門石轉而爲七天橋蓋瓦屋九天也三殿先錫瓦次
銅瓦絕頂爲鐵瓦皆像晉賢名光相寺前一山衣白嶙嶮僅在
咫尺爲西域大雪山浩劫積雪不消去此蓋數千里初陽射雪
色更熒熒照人如沁肝膽月明之夜有聖燈自二峩來如亂螢
數百撲之皆木葉山前時現佛光狀如寶鏡紅黃紫綠暈其週
春夏時有鳥稱佛現食人掌中寒卽不來二黑貂盤桓欄楯見
人不怖山後岷山萬里近瓦屋遠晒經側爲青城玉壘縹緲中
爲火燄葱嶺餘山皆壘壘砂塍通天觀有大藏寶幢臥雲庵有
三大師所傳西竺像文殊普賢虬鬚觀音大士則頭陀而髯與
入中國變相異山有放光石色如水晶而六稜從日隙照之虹
光反射

三峽圖說

重慶府石城天險依岩而立巴縣明月峽石壁圓孔形如明月
高四十餘丈溫湯峽懸崖湧下騰沸如湯鄩都縣平都山道書
第十八福地山橫崑圍邑後唐斷碑五段書洞天道山字置山
門漢王方平陰長生于此上昇亭塑二仙圍棋像如生忠州石
寶寺有石蹲山頂高十數丈濶倍之遠望如天柱巴陽峽長二
十里夔府八陣石在魚腹上左右八積其一尚在夔滅閭謂六
十四蒞者非左復壘石爲城形城東一水爲左瀼數里爲杜公
艸堂又數里有城跨二山古白帝城也左山昂據爲赤甲對江
爲白鹽江水奔流如在石罅中出下白帝一石堆巖然踞瞿塘

三峡图



海内山經

卷

三

長江圖

口爲灩澦盛夏雪消水沒灩澦頂如象馬則峽封舟峽人以此爲水候漸入削壁仰天一線昔人謂非亭午不見日景固然數里石到成窻見箱形俗稱風箱峽卽瞿唐峽也兩崖對峙中貫一江二十里出峽爲巫山中峰屏立兩翼如刀戟成巫字與江水稱巴同高唐觀在山頂上二十里復入峽中峽更奇峭石末遠見明星迫視之際光也土人呼爲彈穿峽出峽爲神女廟正對巫山其他崖壁方者銳者仆者蹲者傾欲墮者爭相獻奇巴東縣締構據山勢亦宏壯歸州卽古秭歸也以屈原姊女嬃而名州前石鈺利矛立水滙成盤渦舟入不出名渦那吒灘亦名人鮪獲黃魯直謫浩云命輕人鮪甕頭船行近鬼門關外天是


也今改爲瞿門關在巫山路上去州二里爲蓮花灘又爲石門灘又十五里爲香溪相傳昭君滌粧處溪中魚洞生成幢幡日月禽獸之類天下岩竇巧莫過之自此爲空舫峽卽兵書峽長十餘里絕崖峭立飛鳥不能棲出峽口爲新灘嘉靖間山崩而成故名二灘上下浪激如飛震雷晝夜鳴每一舟下灘後舟始發恐卒遇石罅難解也再一峽爲馬肝峽出峽爲黃陵廟廟後山數疊如屏中疊有丈夫牽牛道水影則黃牛神也孔明曾誌其事于廟廟左右石壁環江排列數十里如芙蓉城記云朝見黃牛暮見黃牛三朝三暮黃牛如故黃金藏在石碑峽中過南井關爲夷陵州以險至此而平也大約行川江三千里都如石

峴出三峽中視之更顯


四川棧道圖說

寶鷄古陳倉縣也出縣南門度渭水十五里至鎮關尹喜故宅
在焉沿溪直入白石壘上可挹又十里為棧道高坪插雲顏以
陳寶重關即大散關也關下水北流入渭南流入漢堪輿家謂
為中龍過脉云下平坂虎豹晝夜伏道傍二十餘步則起獨樓
雜以楹竅即二三烟突聚落亦斫木為城環避之自東新店過
偏橋路絕處插杖崖崖間偏山架木下臨白水江源始真棧也
自寶鷄至此覆屋成以板真西戎俗矣又上下鳳嶺五十里至
三岔三岔者一去鳳一去褒一去郿也郿道在叢山枯壑中昔
孔明出斜谷即此嶺南北水各入白水江陳倉路嶮巖僅容單

棧道圖



雞頭關




人西行二百里爲沔之百丈波韓淮陰明修棧道暗度陳倉者
是三十里爲松林驛十里上柴關復下十里爲紫栢署前列雙
峰左山深處有寺樹石蒼翠錯落棧中第一勝地也出署平沙
如砥晴雨皆可人此地青山夾馳綠水中貫豐林前擁疊嶂後
隨去來杳無其跡黑龍江深處約二丈餘皆巨石激湍時有小
鷓鴣千百爲群飛立水際盤石上青橋峯嶽難步又三十里上
七盤盤盡爲鷄頭關一石如鷄冠起逼漢下俯江水出玉石盆
兩崖突兀爲出棧最奇處鄭子真畊馬稱鄭谷也

兩河圖說

由桑朝水過涿州爲華陽臺過安肅保定入慶都多馳道中起
夾以女墻高柳參天綠陰成巷歸鞍去馬六月無暑自真定渡
滹沱河爲灤城灤武子故邑城不三里而儉未至栢鄉十五里
有光武廟三石人斷臥荆棘中云光武渡滹沱時夜行問道以
爲人也手刃之次日皆石當是高帝斬蛇故智內丘有國士門
豫讓橋臨洛關有冉子祠洛漳咸出晉地穿大行而東爲邯鄲
道故盧生夢黃梁處邯鄲城有藺相如回車巷城外古叢臺曹
操七十二疑塚過漳河爲銅雀臺臺下漳流如故湯陰卽古蕩
陰不十里爲文王姜里廟演易臺出蕩陰五里道樹扁鵲墓碑

西河圖



澤潞界

兩河圖二

海河新見

古號分峽

長白堂



又十里名宜溝則子貢故里也衛輝蘇門山山一平阜左阜有
孫登嘯臺右乃康節安樂窩臺下爲衛源廟廟下珠璣萬道清
鑑毛髮爲百門泉中有湧金亭蘇長公書也亭畔白楊如抱奇
古可愛洛城北卽後良伊闕前起崧岳峙于東南洛水汭乎東
北瀍東澗西伊來自南真帝王四塞都也卽山橫亘四百餘里
故河不內侵而塚纍纍若林一鉅塚人伐其南不得入云漢明
帝陵也俗善伐塚洛中塚匪且陵寢卽將相勲戚之家類延袤
里許又多設機穿其法不盡傳俗遇敗塚刻其門洞而居稱窞
其穴山壁而棲者亦稱窞自此崎嶇山谷中路僅一綫至潼關
乃止函谷關在新安乃漢武爲樓船將軍楊僕移而東者沔池

在城西門秦趙所會地也次硤石次張茅自此北去四十里則
爲三門兩崖怪石橫截河堯時河上溢禹乃鑿人神鬼三門以
洩之前爲底柱巖嶭起又前巨磧星布河出門過磧勢如震霆
聲聞數百里故不可舟也不知漢時何以通漕于此謂各有月
河云河北乃中條山起蒲坂接太行護以土山與中條俱起山
麓二小邑對陝爲平陸對閩爲芮城橫轄河濱數十百家耳五
十里至魏野草堂有樂天洞遵山之北麓十里至陝州河遠城
比如環此本古虢州周召分陝以治處召公祠一枯棠倚池頭
尚餘二幹云召公棠也城如龜脊中無水東一小池自交口引
至灌池中乃從東麗譙上過祠前鑄鐵作二翁仲似千年物自

陝至閿亦皆行山之北麓與河之南涯不十五里爲函谷舊關
正老子西度田文東出處今蕪矣五十里至閿鄉有軒轅鑄鼎
址前一穴如井名九龍窟云通大行貫河而去人聽之風聲訶
訶然入城有王濬故里城枕泰山腹西接太華東抵洛陽誌云
秦頭魏尾故稱秦也潼關據高岡俯河流爲陝咽喉故其萬戶
府直隸大名此 祖宗深意十里爲楊伯起墓墓面華背渭卽
送行折柳莫佳于此岳廟前有唐栢五株其一寄生槐已成抱
門作五樓橫絡之皓旰蔽雲日歷渭南行數十里爲新豐市乃
漢南所築徙豐人以居者粉榆雖亡其鎮故在亦卽鴻門坂楚
漢會處也又十里爲驪山東西亘五十里古驪戎國始皇滅之

而塚其下今陵土尚巋然規千畝前峙二丘抑其墓門也始皇
荅李斯云鑿之不入燒之不難須臾行三百丈宜牧羊兒火一
月不燼矣西行十里溫泉出焉山壁立臨潼之南門下爲二竅
水正溫倒可浴亦可漑灞橋卽灞陵水名灞以秦旌童霸功李
廣辱亭尉項王屯灞上皆此二十里乃長安城東門十里乃阿
房未央舊址又五十里爲咸陽城山南水北咸在城之陽故曰
咸陽地多漢陵不可識城後高原橫亘二百餘里興平卽古廢
丘道左有太真墓墓前白石如菽名楊妃粉人言墮粧所化也
得之可除面班目翳鳳翔城東南隅爲三良墓四十里爲汧陽
此汧入渭處名底旬前對南山三十里爲宮則長春真人煉丹

所也數里爲蟠溪有太公釣石足跡依然旬倚西平原環原夾
渭而行又數里爲祀鷄臺志稱秦初祀鷄鷄以夜來聲憂憂如
流火也二十里爲靈原原有金臺觀張三丰日衣印杖故存原
轉西則爲寶鷄縣古陳倉也再西爲大隴山其坂九回七日乃
可至巔俗歌云隴頭流水鳴聲幽咽遙望秦川肝腸斷絕
泌陽鄧河鄧通故居也通一嬖倖名傳至今南陽西八里則臥
龍岡草廬祀諸葛武侯像猶翩翩神仙人也門左有諸葛井井
欄石繩轍卽十數過數之數各異岡僅僅與人首齊非幽岑邃
谷不知武侯曷從避亂至此或云南陽乃襄陽墟名非此也岡
稍北爲百里奚墓墓有七星石次召信臣舊堰次裕州搬倒井

井泉飛涌清沁人齒牙旱潦不變過卽昆陽城乃巨無霸驅虎
豹戰敗地葉城西爲孔子問津處後有嚴光祠明土土性謂當
祠沮溺于中與光爲三隱寶豐香山寺云大士示現之所亦爲
白司馬九老會地由汝州取道登封轉轅轅嶺則鞏東行則爲
虎牢關今爲古嶠關卽成臯敖山乃秦所置太倉酈生所爲據
其粟處益而東則爲鴻溝尚有址焉一山平列爲廣武山山東
西二城其下卽楚漢提兵百戰相拒地名古戰場古陽城有周
公測景觀星二臺臺後石製量天尺刻周尺一百廿尺登臺視
天心猶之乎燕巢問臺而箕山上有許由塚歲飢諸惡少發之
石槨發輒合密東有軒轅三女墓一白松三岐長百尺色如傳

粉而綠膚葉勁如鐵亦數千年矣墓前土蓬厚尺許水如提壺
注下縣迨官石皆蒼質白理不亞太湖中牟五十里爲甫田藪
昔周宣王會東都講武地今高者居低者田窪者潴湖不復成
藪矣中有列子故居在馬大梁夷門今止夷山一阜漢梁孝王
修竹園鴈鴛池無一存者考之志云兔園正隸歸德乃汴東南
城外又有孝王平臺亦名繁臺又爲師曠吹臺日落登之情風
泠泠如絲竹至臺有大禹廟第制狹不稱所以報禹者廟有李
子碑又祠李白杜甫高適三君子今益以李何二君從其地也
地東南則隋煬帝引河入汴故道城東北爲壽山艮岳宋徽宗
以花石綱糜天下力供之而株木片石俱廢城北爲周王府因
宋舊內也城內寺頗多惟相國鐵塔二寺最修麗城外去黃河
十里作大堤環護之周八十里樹陰夾道行堤上不論晴雨皆
可入城北有蓬池或云尉氏亦有蓬池竹林七賢僅有碑在而
黃公壇不知何地未至尉氏四十里則朱仙鎮有祠祀岳鄂王
許昌一祠爲雲長舊宅蓋降操秉燭達旦處郟城爲桓公盟召
陵故城今亦廢

國

海内奇蹟

卷八

十八

三

